



# Téarmaí agus Coinníollacha do chúnaimh deontais d'oibreacha incháilithe ar chórais chóireála fuíolluisce tí i dtithe atá suite i Limistéir Dhobharcheantair Chuspóra Ardstádais



## **Roinn Comhshaoil**

Comhairle Chontae Cheatharlach

Na Seomraí Tionóla

Lána Mhac an Choiligh

## **Ceatharlach**

R93 X3T5

**Guthán:** 059 9172480/9136231

**Ríomhphoist:** [wellgrants@carlowcoco.ie](mailto:wellgrants@carlowcoco.ie)

**An Idirlíon:** [www.carlow](http://www.carlow)

Leagan (2): Deireadh Fómhair 2020

**Deontais atá iníoctha faoi Rialacháin na dTithe (Cúnamh Airgeadais um Chórais Cóireála Dramhuisce Tí do Limistéir Dhobharcheantair Cuspóra Ardstádais), 2020 (I.R. Uimh. 186 de 2020);**

- Léigh na nótaí eolais seo a leanas, le do thoil, sula líonann tú an fhoirm iarratais.
- Caithfear gach ceist ar an bhfoirm a fhreagairt agus, sa chás go sonraítear, caithfear cáipéisí tacaíochta a sholáthar. Ní phróiseálfar foirmeacha neamhiomlána nó na foirmeacha siúd nach ngabhann na cáipéisí cuí leo.
- NÍOR CHEART tús a chur le hobair sula dtugann an t-údarás tithíochta nó a ionadaí cuairt. Má cuireadh tús le hobair roimh an dáta sin, ní dhéanfar breithniú ar d'iarratas.
- Déanann údarás tithíochta an scéim deontais a riar. Is faoin údarás tithíochta ábhartha atá sé plé le gach ceist a bhaineann le hoibriú laethúil na scéime deontais, iarratais agus íocaíochtaí san áireamh.
- Ba cheart aon fhiosrúcháin faoin deontas a dhéanamh le hOifigeach Idirchaidrimh Chlár Uisce Tuaithe an údarás tithíochta ábhartha.

## **1. Cuspóir an deontais**

Tá an scéim deontais seo á tabhairt isteach chun tacú le cuspóirí cháilíocht an uisce a bhaint amach i Limistéir Dhobharcheantair Chuspóra Ardstádais, faoi mar a dtugtar cuntas air sa Phlean Bainistíochta Abhantraí Náisiúnta d'Éirinn 2018-2021 (PBA).

Tá an scéim seo mar chuid den infheistíocht chistithe faoi Bheart 8 den Chlár Uisce Tuaithe Ilbhliantúil (an CUTIB) ó 2019 go 2021.

Tá an deontas seo ar fáil chun cabhrú le hóc as na costais oibreacha réitigh, deisiúcháin nó uasghrádaithe ar chóras cóireála fuíolluisce tí (CCFT) nó an córas a athsholáthar a fhreastalaíonn ar theach, sa chás go ndéantar na hoibreacha i Limistéir Dhobharcheantair Chuspóra Ardstádais i gcomhréir leis an PBA, agus nuair atá litir faighte ag an iarratasóir féideartha ón údarás tithíochta a dheimhníonn cáilitheacht chun iarratas a dhéanamh ar dheontas.

Caithfidh na hoibreacha go léir a bheith i gcomhréir le Cód Cleachtais an GCC – Córais Chóireála agus Diúscartha Fuíolluisce a fhreastalaíonn ar Thithe Aonair 2009 agus an aird chuí á tabhairt ar na moltaí i Mír 6.6 den Chód Cleachtais (CC) sin a thagraíonn do CCFT reatha ar an láthair.

Tábhachtach: Ní cháileofar costais a bhaineann le gnáthchothabháil nó gnáthsheirbhísí CCFT, nó le sloda a bhaint de na córais siúd, do chúnamh deontais.

## **2. Leibhéal an deontais**

Déantar cinneadh faoin leibhéal cúnamh deontais atá ar fáil bunaithe ar 85% de chostas faofa na n-oibreacha, faoi réir suim uasta €5,000. Is é an caiteachas íosta ar oibreacha incháilithe, a theastaíonn chun an t-iarratas a phróiseáil €750.

### 3. Cáilitheacht

Níl iarratasóir incháilithe do dheontas más é tuairim an údaráis tithíochta: -

- (a) Níl an t-iarratasóir ag cónaí sa teach a bhfuil an CCFT ag freastal air mar a n-áit chónaithe phríomha (e.g. teach saoire), nó
- (b) Tá an teach ar a bhfreastalaíonn an CCFT atá i gceist ceangailte faoi láthair le scéim séarachais phoiblí, nó
- (b) Tá an teach ar a bhfreastalaíonn an CCFT faoi láthair ceangailte le scéim séarachais reatha, nó
- (d) Tá an teach ar a bhfreastalaíonn an CCFT atá i gceist á thógáil nó tógadh é le 7 mbliana anuas, nó
- (e) Íocadh deontas chun feabhas a chur ar an CCFT a fhreastalaíonn ar an teach atá i gceist le 7 mbliana anuas, nó
- (f) Níor críochnaíodh na hoibreacha feabhsúcháin go sásúil ina n-iomláine faoi mar a shonraítear ina dtogra, nó
- (g) Níor cláraíodh an CCFT le [protectourwater.ie](http://protectourwater.ie) faoin dáta forordaithe (féach thíos), nó
- (h) Níl an teach ar ar fhreastail an CCFT atá i gceist suite i Limistéar Dobharcheantair Chuspóra Ardstádais, nó
- (i) Fuarthas iarratas maidir leis an CCFT céanna, faoi aon scéim deontais eile le haghaidh an CCFT faoin CUTIB 2019-2021.

### Cead Pleanála

B'fhéidir go mbeidh Díolúintí Pleanála i gceist faoi Alt 4(1)(h) den Acht um Pleanáil agus Forbairt, 2000 (ar a dtugtar anseo feasta "an tAcht") i gcás CCFT reatha nuair a dhéantar na hoibreacha ar mhaithe leis an gcóras a chothabháil nó a fheabhsú.

Nuair a bhíonn éiginnteacht ann, áfach, in aon chás ar leith, maidir leis an méid a meastar nó nach meastar gurb ionann é agus forbairt, nó maidir leis an méid a meastar nó nach meastar gurb ionann é agus forbairt dhíolmhaithe laistigh de bhrí an Achta, is féidir le duine ar bith dearbhú maidir leis an gceist sin a iarraidh i scríbhinn, óna n-údarás pleanála ábhartha (údarás áitiúil) faoi Alt 5 den Acht.

### 4. Dáta forordaithe

Caithfidh go bhfuil iarratas déanta ag úinéir an CCFT, faoi dháta forordaithe an 1 Feabhra 2013, go n-iontráiltear an córas cóireála i gclár an CCFT atá á choimeád i gcomhréir le hAlt 70B(2) den Acht um Sheirbhísí Uisce, 2007 (arna leasú).

### nó

Caithfidh go ndearna úinéir CCFT, a tógadh nó a suiteáladh i ndiaidh an 1 Feabhra 2013, iarratas go n-iontráiltear an córas cóireála i gclár na gcóras siúd laistigh de 90 lá i ndiaidh gur ceanglaíodh áitreabh leis an CCFT, i gcomhréir le Rialachán 3 de na Rialacháin um Chórais Cóireála Dramhuisce Tí (Clárú) (Leasú), 2013 (Uimh. 180 de 2013).

### 5. Costas faofa

Ar mhaithe cuspóirí na scéime deontais seo, ciallaíonn costas faofa an costas iarbhír a bhíonn ar oibreacha réitigh, deisiúcháin nó uasghrádaithe ar, nó ar CCFT a athsholáthar (measúnú láithreáin ina measc, más gá), nó na costais a measann an t-údarás tithíochta a bheith ina gcostais réasúnta ar thabhairt faoi na hoibreacha siúd, pé ceann is lú.

## 6. **Togra oibreacha agus fáltais**

Caithfidh togra mionsonraithe a d'ullmhaigh duine inniúil gabháil le gach iarratas ar chúnamh deontais a fhaomhadh chun na hoibreacha a uasghrádú aníos go dtí caighdeán Chód Chleachtais (CC) an GCC, agus an aird chuí á tabhairt ar a mholtaí maidir le CCFT reatha ar an láthair atá ann sular cuireadh an CC i bhfeidhm.

Caithfidh fáltais ó gach conraitheoir atá comhlíontach i dtaobh cánach a fostaíodh chun na hoibreacha a luaitear a dhéanamh, gabháil le gach éileamh ar chúnamh deontais a íoc. Caithfear a áireamh le fáltais sonraí faoi na hoibreacha a rinneadh agus na costais gaolmhara.

## 7. **Riachtanais imréitigh cánach**

I gcás gach conraitheora a fostaíodh chun tabhairt faoi mheasúnú láithreáin (más bhí gá leis), oibreacha réitigh, deisiúcháin nó uasghrádaithe ar CCFT, nó chun CCFT a athsholáthar, caithfear cóip den deimhniú imréitigh cánach reatha a d'eisigh na Coimisinéirí Ioncaim chuig an gconraitheoir a sheoladh ar aghaidh.

## 8. **Iarratais ar chúnamh deontais a sheoladh ar aghaidh agus a phróiseáil**

Sula seoltar iarratas ar chúnamh deontais a sheoladh ar aghaidh go dtí an t-údarás tithíochta ábhartha, caithfidh an t-iarratasóir féideartha a bheith sásta go bhfuil an teach ar a bhfreastalaíonn an CCFT, a bheadh ina ábhar d'iarratas, suite i Limistéar Dobharcheantair Chuspóra Ardstádais. Is féidir an léarscáil idirghníomhach atá ar fáil ag an nasc thíos a úsáid lena shainaithint an bhfuil nó nach bhfuil an teach atá i gceist i Limistéar Dobharcheantair Chuspóra Ardstádais. Ní gá ach cuardach a dhéanamh trí úsáid a bhaint as an Éirchód ábhartha.

[Léarscáil Limistéar Dobharcheantair Chuspóra Ardstádais](#) (Moltar brabhsálaí Chrome a úsáid chun feidhmiúlacht iomlán a chinntiú)

Níor cheart iarratas a sheoladh ar aghaidh ach maidir le teach ar a bhfreastalaíonn CCFT atá inaitheanta sa léarscáil amhail bheith suite i Limistéar Dobharcheantair Chuspóra Ardstádais.

Beidh an nós imeachta seo a leanas i gceist maidir le gach iarratas a phróiseáil:

- (a) Ba cheart iarratais ar chúnamh deontais a fhaomhadh a sheoladh ar aghaidh ar *Fhoirm DWWTS 3a*, chuig an údarás tithíochta a bhfuil limistéar feidhme an CCFT, ábhar an iarratais, suite ann.
- (b) Áireofar leis an iarratas cur síos ar lochtanna an CCFT agus togra mionsonraithe, a d'ullmhaigh duine inniúil, chun na hoibreacha a uasghrádú aníos go dtí caighdeán Chód Chleachtais (CC) an GCC, agus an aird chuí á tabhairt ar a mholtaí maidir le CCFT reatha ar an láthair atá ann.
- (c) Déanfaidh an t-údarás tithíochta nó a ionadaí cigireacht ansin ar an CCFT, arb é sin ábhar an iarratais, chun bailíocht an iarratais a dheimhniú maidir le scóip na n-oibreacha a bheartaítear.
- (d) Cuirfidh an t-údarás tithíochta an t-iarratasóir ar an eolas ina dhiaidh sin má mheastar go bhfuil an t-iarratas incháilithe (faoi réir téarmaí agus coinníollacha) nó má mheastar go bhfuil sé neamh-incháilithe.
- (e) Is féidir leis an iarratasóir leanúint ar aghaidh ansin leis na hoibreacha a theastaíonn, ach ní mheastar go bhfuil oibreacha, seachas na hoibreacha sin a chuimsítear in iarratais, incháilithe agus ní íocfar cúnamh deontais ach maidir leis na hoibreacha siúd.
- (f) Próiseálfar iarratais a thapúla agus is féidir. Má theastaíonn cúnamh chun an fhoirm a líonadh, déan teagmháil, le do thoil, leis an údarás tithíochta ábhartha.

- (g) Tá an ceart ar cosaint ag an údarás tithíochta chun aon fhiosrúcháin a dhéanamh a mheasann sé is gá, chun eolas nó cáipéisí tacaíochta a cuireadh ar fáil mar chuid d'iarratas ar chúnamh deontais a dheimhniú, agus is féidir leis aon iarratasóir a fhágáil as an áireamh, nuair a bhíonn breithniú á dhéanamh ar chúnamh deontais, a sholáthraíonn eolas nó cáipéisí bréagacha nó míthreoracha.

## 9. Éilimh ar chúnamh deontais a phróiseáil

Beidh an nós imeachta seo a leanas i gceist maidir le gach éileamh ar íocaíocht a phróiseáil:

- (a) A luaithe a críochnaíodh na hoibreacha i gcomhréir leis an togra mionsonraithe a sheol agus a dheimhnigh duine inniúil, ba cheart éilimh ar íocaíocht a sheoladh ar aghaidh ar *Fhoirm DWWTs 3b*, chuig an údarás tithíochta a bhfuil limistéar feidhme an CCFT, ábhar an iarratais, suite ann.
- (b) Caithfidh *Foirm DWWTs 3b* gabháil le gach fáltas ó gach conraitheoir a fostaíodh chun na hoibreacha a luaitear a dhéanamh.
- (c) Déanfaidh an t-údarás tithíochta nó a ionadaí measúnú ina dhiaidh sin ar na hoibreacha a críochnaíodh agus íocfar an t-éileamh ar íocaíocht má chríochnaítear scóip na n-oibreacha a ndéantar cur síos orthu ar an bhfoirm iarratais ina n-iomláine agus má dheimhníonn an duine inniúil iad.
- (d) I gcásanna nach bhfuil an t-údarás tithíochta sásta gur críochnaíodh na hoibreacha i gcomhréir leis an togra mionsonraithe a seoladh ar aghaidh nó mura sásaíonn siad na téarmaí agus coinníollacha eile go léir, eiseoidh an t-údarás tithíochta litir don iarratasóir a chuireann in iúl go bhfuil an t-éileamh neamh-incháilithe nó neamh-incháilithe go páirteach, agus na cúiseanna ábhartha á gcur in iúl.
- (e) Próiseálfar éilimh a thapúla agus is féidir. Má theastaíonn cúnamh chun an fhoirm a líonadh, déan teagmháil, le do thoil, leis an údarás tithíochta ábhartha.
- (f) Tá an ceart ar cosaint ag an údarás tithíochta chun aon fhiosrúcháin a dhéanamh a mheasann sé is gá, chun eolas nó cáipéisí tacaíochta a cuireadh ar fáil mar chuid d'iarratas ar chúnamh deontais a dheimhniú, agus is féidir leis aon éilitheoir a fhágáil as an áireamh, nuair a bhíonn breithniú á dhéanamh ar chúnamh deontais, a sholáthraíonn eolas nó cáipéisí bréagacha nó míthreoracha.

## 10. An Próiseas achomhairc

Nuair a bhíonn iarratais á bpróiseáil faoin scéim deontais seo, aithnítear go bhféadfadh roinnt iarratasóirí a bheith míshásta le cinneadh an údaráis tithíochta. Cuirfidh údaráis tithíochta meicníocht achomhairc ar fáil do gach iarratasóir a cheadaíonn go ndéanfaidh oifigeach údarás tithíochta nár dhéileáil lena mbuniarratas athbhreithniú ar an gcinneadh a rinneadh ina gcás.

Bainfidh an nós imeachta seo a leanas le gach achomharc:

- (a) Tugtar cuireadh do gach iarratasóir míshásta chun **achomharc scríofa** a sheoladh ar aghaidh (is féidir é seo a dhéanamh ar ríomhphost) in aghaidh cinneadh ar bith ar chuir an t-údarás tithíochta in iúl dóibh maidir lena n-iarratas.
- (b) Caithfidh an t-údarás tithíochta an t-achomharc a fháil **laistigh de thrí seachtaine** i ndiaidh dháta an chinnidh agus caithfear a lua ann na cúiseanna a bhí leis an achomharc.
- (c) Breithneoidh an t-údarás tithíochta an t-achomharc agus tabharfar breithiúnas air laistigh de cheithre seachtaine i ndiaidh é a fháil.
- (d) Cuirfidh cinneadh faoin achomharc in iúl i scríbhinn don achomharcóir laistigh de choicís i ndiaidh go ndearnadh an cinneadh.

**FOIRM IARRATAIS**

**Oibreacha réitigh, deisiúcháin nó uasghrádaithe ar Chóras Cóireála Fuíolluisce Tí (CCFT) nó an córas a athsholáthar i Limistéar Dobharcheantair Chuspóra Ardstádais nuair atá litir faighte ag an iarratasóir féideartha ó údarás tithíochta a dheimhníonn cáilitheacht chun iarratas a dhéanamh ar dheontas.**

- Léigh na nótaí eolais, le do thoil, sula líonann tú an fhoirm iarratais.
- Caithfear gach ceist ar an bhfoirm a fhreagairt agus, sa chás go sonraítear, caithfear cáipéisí tacaíochta a sholáthar. Ní phróiseálfar foirmeacha neamhiomlána nó na foirmeacha siúd nach ngabhann na cáipéisí cuí leo.
- NÍOR CHEART tús a chur le hobair sula dtugann an t-údarás tithíochta nó a ionadaí cuairt. Má cuireadh tús le hobair roimh an dáta sin, ní dhéanfar breithniú ar d'iarratas.
- Déanann údarás tithíochta an scéim deontais a riar. Is faoin údarás tithíochta ábhartha atá sé plé le gach ceist a bhaineann le hoibriú laethúil na scéime deontais, iarratais agus íocaíochtaí san áireamh.
- Ba cheart aon fhiosrúcháin faoin deontas a dhéanamh le hOifigeach Idirchaidrimh Chlár Uisce Tuaithe an údarás tithíochta ábhartha.

<b>1. Sonraí faoin iarratasóir</b>	
Ainm an iarratasóra:	
Seoladh (láthair an CCFT):	
ÉIRCHÓD:	
Uimhir ghutháin i rith an lae:	
Seoladh ríomhphoist:	
<b>2. Sonraí faoin CCFT</b>	
Tagairt chláráithe an CCFT (tá sé seo ar fáil ar do Dheimhniú Clárúcháin):	
<b>3. Seicliosta chun lochtanna a shainaithint</b>	
(a) Ar baineadh an sloda as an CCFT le bliain anuas?	Baineadh <input type="checkbox"/> Níor baineadh <input type="checkbox"/>
(b) An bhfuil an t-uisce dromchla/an t-uisce dín go léir curtha ar mhalairt slí amach ón CCFT?	Tá <input type="checkbox"/> Níl <input type="checkbox"/>
(c) Cad é saghas an chórais?	<input type="checkbox"/> Dabhach shéarachais <input type="checkbox"/> Córas Tánaisteach <input type="checkbox"/> Córas Treasach
(d) An ndearnadh cigireacht agus cothabháil ar an gcóras le 2 bhliain anuas?	Rinneadh <input type="checkbox"/> Ní dhearnadh <input type="checkbox"/>

## Foirm DWWTs 3a

<p>(e) Cad é saghas an insíothlaithe?</p>	<p><input type="checkbox"/> Poll súite  <input type="checkbox"/> Láthair shíothlúcháin  <input type="checkbox"/> láthair shíothlúcháin ardaithe (Córas Dumhaí)  <input type="checkbox"/> Scagaire snasúcháin  <input type="checkbox"/> Píobán le huisce dromchla  <input type="checkbox"/> Bogach/Giolcarnach  <input type="checkbox"/> Ceapach shaileach  <input type="checkbox"/> Eile (tabhair sonraí ar bhileog eile)</p>
<p>(f) An bhfuil fásra díobhálach (síothlú) ag fás sa limistéar insíothlaithe, ar nós an mhéid seo a leanas:</p> <ul style="list-style-type: none"> <li>▪ limistéir fhliucha/linnte,</li> <li>▪ féar méith,</li> <li>▪ tailte garbha, luachair, etc.</li> </ul>	<p>Tá <input type="checkbox"/> Níl <input type="checkbox"/></p>
<p><b>4. Cur síos ginearálta ar na hoibreacha agus costas na n-oibreacha atá le déanamh, faoi mar a d'ullmhaigh duine inniúil (caithfear cóip den togra iomlán a cheangal freisin)</b></p>	
<p><b>5. Íocaíochtaí a rinneadh roimhe seo</b></p>	
<p>Ar íocadh aon deontas maidir leis an réadmhaoin seo le 7 mbliana anuas?  Má íocadh, tabhair sonraí, le do thoil:</p> <p>(a) cé a d'íoc an deontas?  (b) méid:  (c) an dáta a íocadh an deontas:</p>	<p>Íocadh <input type="checkbox"/> Níor íocadh <input type="checkbox"/></p> <p>(a)  (b) €  (c)</p>
<p><b>6. Sonraí an Chonraitheora/na gConraitheoirí (<u>caithfear</u> cóip den Deimhniú Imréitigh Cánach do gach conraitheoir a sholáthar)</b></p>	
<p>Conraitheoir 1</p>	<p>Conraitheoir 2 (más infheidhme)</p>
<p>Ainm an Chonraitheora:</p>	<p>Ainm an Chonraitheora:</p>
<p>Seoladh an Chonraitheora:</p>	<p>Seoladh an Chonraitheora:</p>

## Foirm DWWTs 3a

ÉIRCHÓD:	ÉIRCHÓD:
<b>7. Dearbhú</b>	
<p>Dearbháim, leis seo, go bhfuil an t-eolas a sholáthair mé ar an bhfoirm iarratais seo, agus sa cháipéisíocht go léir eile a sholáthair mé chun tacú leis an iarratas seo, ceart agus fíor.</p> <p>Tuigim gur féidir an t-iarratas seo a chur ar ceal má sholáthraím aon eolas bréagach nó míthreorach nó aon cháipéisíocht tacaíochta neamhbhailí.</p> <p><b>Síniú an iarratasóra:</b> _____</p> <p><b>Dáta:</b> _____</p>	



**FOIRM ÉILIMH AR ÍOCAÍOCHT:**

**Oibreacha réitigh, deisiúcháin nó uasghrádaithe ar Chóras Cóireála Fuíolluisce Tí (CCFT) nó an córas a athsholáthar i Limistéar Dobharcheantair Chuspóra Ardstádais nuair atá faomhadh faighte ag duine ó údarás tithíochta do dheontas.**

- Léigh na nótaí eolais, le do thoil, sula líonann tú an fhoirm éilimh.
- Caithfear gach ceist ar an bhfoirm a fhreagairt agus, sa chás go sonraítear, caithfear cáipéisí tacaíochta a sholáthar. Ní phróiseálfar foirmeacha neamhiomlána nó na foirmeacha siúd nach ngabhann na cáipéisí cuí leo.
- NÍOR CHEART go mbeadh tús curtha le hobair sula dtugann an t-údarás tithíochta nó a ionadaí cuairt tosaigh. Má cuireadh tús le hobair roimh an dáta sin, ní dhéanfar breithniú ar d'éileamh.
- Déanann údarais tithíochta an scéim deontais a riar. Is faoin údarás tithíochta ábhartha atá sé plé le gach ceist a bhaineann le hoibriú laethúil na scéime deontais, iarratais agus íocaíochtaí san áireamh.
- Ba cheart aon fhiosrúcháin faoin deontas a dhéanamh le hOifigeach Idirchaidrimh Chlár Uisce Tuaithe an údarais tithíochta ábhartha.

**1. Sonraí faoin Iarratasóir**

Ainm an iarratasóra:	
Seoladh (láthair an CCFT):	
ÉIRCHÓD:	
Uimhir ghutháin i rith an lae:	
Seoladh ríomhphoist:	
UPSP:	

**2. Sonraí faoin CCFT**

Tagairt chláraithe an CCFT (tá sé seo ar fáil ar do Dheimhniú Clárúcháin):	
--	--

**3. Cur síos ginearálta ar agus costas na n-oibreacha faoinar tugadh, faoi mar a shonraíonn duine inniúil (caithfear fáilta(i)s m(h)iondealaithe a sholáthar do na hoibreacha go léir a críochnaíodh)**

--

## Foirm DWWTs 3b

<b>4. Sonraí an Chonraitheora/na gConraitheoirí</b> ( <i>caithfear</i> cóip den Deimhniú Imreítigh Cánach do gach conraitheoir a sholáthar, más éagsúil é ón gconraitheoir a liostaítear ar an bhfoirm iarratais)	
Conraitheoir 1	Conraitheoir 2 (más infheidhme)
Ainm an Chonraitheora:	Ainm an Chonraitheora:
Seoladh an Chonraitheora:	Seoladh an Chonraitheora:
ÉIRCHÓD:	ÉIRCHÓD:
<b>5. Dearbhú</b>	
<p>Dearbhaím go bhfuil an t-eolas a sholáthair mé ar an bhfoirm éilimh seo, agus sa cháipéisíocht go léir eile a sholáthair mé chun tacú leis an éileamh seo, ceart agus fíor.</p> <p>Tuigim gur féidir an t-éileamh seo ar íocaíocht a chur ar ceal má sholáthraím aon eolas bréagach nó míthreorach nó aon cháipéisíocht tacaíochta neamhbhailí.</p>	
<b>Síniú an éilitheora:</b>	_____
<b>Dáta:</b>	_____